

**ქალაქ ფოთის მუნიციპალიტეტის 2024 წლის ბიუჯეტის პროექტის
საჯარო განხილვის სხდომის**

ო ქ მ ო

განხილვა გაიმართა ქალაქ ფოთის მუნიციპალიტეტის ნიკო ნიკოლაძის სახელობის სხდომათა დარბაზში 2023 წლის 20 ნოემბერს. დაწყების დრო -12 საათი, დამთავრების დრო - 12⁵⁵ საათი.

**სხდომას თავმჯდომარეობდა
საკრებულოს თავმჯდომარე**

ალექსანდრე ტყებუჩავა

განხილვას ესწრებოდნენ: საკრებულოს თავმჯდომარის მოადგილეები, საკრებულოს წევრები, ქალაქ ფოთის მუნიციპალიტეტის მერის მოადგილეები, ქალაქ ფოთის მუნიციპალიტეტის მერის სამსახურის უფროსები, ა(ა)იპ-ების ხელმძღვანელები, მერის წარმომადგენლები უბნებში, პრესისა და ტელევიზიის წარმომადგენლები, არასამთავრობო სექტორის წარმომადგენლები, ქალაქ ფოთის მუნიციპალიტეტში მცხოვრები მოქალაქეები.

დ ღ ი ს წ ე ს რ ი გ ი:

1.ქალაქ ფოთის მუნიციპალიტეტის 2024 წლის ბიუჯეტის შესახებ.

ქალაქ ფოთის მუნიციპალიტეტის 2024-2027 წლების პრიორიტეტების დოკუმენტი.

(თანდართული დოკუმენტაციის გათვალისწინებით)

/მომხს: ალექსანდრე ტყებუჩავა - ქალაქ ფოთის მუნიციპალიტეტის
საკრებულოს თავმჯდომარე/

/მომხს: ლექსო თოდუა - ქალაქ ფოთის მუნიციპალიტეტის მერის მოადგილე/

/მომხს: ვასილ თოდუა - ქალაქ ფოთის მუნიციპალიტეტის მერის საფინანსო-
საბიუჯეტო და შესყიდვების სამსახურის უფროსი/

მოისმინეს: ქალაქ ფოთის მუნიციპალიტეტის 2024 წლის ბიუჯეტის შესახებ.

ქალაქ ფოთის მუნიციპალიტეტის 2024-2027 წლების პრიორიტეტების დოკუმენტი.

(თანდართული დოკუმენტაციის გათვალისწინებით)

/მომხს: ალექსანდრე ტყებუჩავა - ქალაქ ფოთის მუნიციპალიტეტის
საკრებულოს თავმჯდომარე/

/მომხს: ლექსო თოდუა - ქალაქ ფოთის მუნიციპალიტეტის მერის მოადგილე/

/მომხს: ვასილ თოდუა - ქალაქ ფოთის მუნიციპალიტეტის მერის საფინანსო-
საბიუჯეტო და შესყიდვების სამსახურის უფროსი/

ქალაქ ფოთის მუნიციპალიტეტის საკრებულოს თავმჯდომარემ ალექსანდრე ტყებუჩავამ აღნიშნა, რომ დღეს საკრებულოს სხდომათა დარბაზში გაიმართება ქალაქ ფოთის მუნიციპალიტეტის 2024 წლის ბიუჯეტის პროექტის საჯარო განხილვა, ქალაქის საზოგადოების მონაწილეობით. ქალაქ ფოთის მუნიციპალიტეტის მერმა კანონმდებლობით დადგენილ ვადაში საკრებულოს წარმოუდგინა მუნიციპალიტეტის 2024 წლის ბიუჯეტი. კანონმდებლობის შესაბამისად, ბიუჯეტის პროექტი გამოქვეყნდა საჯარო განხილვისთვის, მუნიციპალიტეტის ვებგვერდზე და მუნიციპალიტეტის ადმინისტრაციულ შენობაში. საჯარობის პრინციპებიდან

გამომდინარე, ადგილობრივი თვითმმართველობის განხორციელებაში მოქალაქეთა ჩართულობის და მათი ინტერესების გათვალისწინებით, ხდება ქალაქ ფოთის მუნიციპალიტეტის 2024 წლის ბიუჯეტის პროექტისა და მასთან დაკავშირებული დოკუმენტაციის საჯარო განხილვა. საკრებულოს თავმჯდომარემ ყურადღება გაამახვილა მოქალაქეების აქტიურობის მნიშვნელობაზე ბიუჯეტის საჯარო განხილვის პროცესში.

ქალაქ ფოთის მუნიციპალიტეტის 2024 წლის ბიუჯეტის პროექტთან დაკავშირებით ქალაქ ფოთის მუნიციპალიტეტის მერის მოადგილემ ლექსო თოდუამ აღნიშნა, რომ 2024 წლის ბიუჯეტის უცვლელ პრიორიტეტებად კვლავ რჩება ინფრასტუქტურის განვითარება, გარემოს დაცვა, განათლება, კულტურა, ახალგაზრდობა და სპორტი, ჯანმრთელობის დაცვა და სოციალური უზრუნველყოფა. ასევე აღნიშნა, რომ აღმასრულებელი ხელისუფლება, საკრებულოსთან და მაურიტარ დეპუტატთან ერთად აქტიურად არის ჩართული მუნიციპალიტეტისთვის დამატებითი ფინანსური რესურსების მოძიების საკითხში.

ბიუჯეტის პროექტი, საჯარო განხილვისათვის მერის საფინანსო-საბიუჯეტო და შესყიდვების სამსახურის უფროსმა ვასილ თოდუამ წარადგინა. მან აღნიშნა, რომ 2024 წლის ბიუჯეტის პროექტით შემოსულობების გეგმა შეადგენს 32 მილიონ 522.2 ათასი ლარს, რაც 2 მილიონ 981.9 ათასი ლარით აღემატება წინა წლის დამტკიცებულ მაჩვენებელს. აღნიშნული ზრდა ძირითადად განპირობებულია დამატებითი ღირებულების გადასახადის და ქონების გადასახადის საპროგნოზო მაჩვენებლების ზრდით. ამასთან მიმოიხილა ქალაქ ფოთის მუნიციპალიტეტის 2024 წლის ბიუჯეტის ძირითადი მიმართულებები და პრიორიტეტები.

ბიუჯეტის პროექტთან დაკავშირებით აზრი გამოთქვეს, კითხვები დასვეს და წინადადებები წარმოადგინეს: ქალაქ ფოთის მუნიციპალიტეტში მცხოვრებმა მოქალაქეებმა და არასამთავრობო სექტორის წარმომადგენლებმა: ნონა ხუხიამ, ია ბუხრაიძემ, რომანი ინჯგიამ, ეთერი გაბისკირიამ, მარიამ ბუალავამ, სოფიო ჭაჭიამ.

ნონა ხუხია - (არასამთავრობო ორგანიზაცია)

- 1) დაზიანებული ქუჩების რეაბილიტაციისას პრიორიტეტული ქუჩების განსაზღვრის საკითხის შესახებ.
- 2) სსიპ აფხაზეთის N21-ე საჯარო სკოლის მოსწავლეებისთვის სკოლის ტერიტორიაზე სპორტულ- გამაჯანსაღებელი სტადიონის მოწყობის შესახებ.
ია ბუხრაიძე - მოქალაქე (მცხ. ნაბადის უბანი)
 - 1) ჭავჭავაძის ქუჩა N148, N150-ში მდებარე მრავალსართულიანი ს/სახლების რეაბილიტაციის შესახებ.
 - 2) ჭავჭავაძის ქუჩაზე სსიპ მომსახურების სააგენტოს მიმდებარე ტერიტორიის სანიაღვრე არხების მოწესრიგების შესახებ.
 - 3) ავტობუსების გაჩერებების (მოსაცდელები) მოწყობის შესახებ.
 - 4) ჭავჭავაძის ქუჩა N150-ში მდებარე მრავალსართულიანი ს/სახლის ლიფტების რეაბილიტაციის შესახებ.

რომანი ინჯგია - მოქალაქე (კუნძული კოლიმბარი)

- 1) კუნძულ კოლიმბართან დამაკავშირებელი ძველი ხიდის ახლით შეცვლის შესახებ.
- 2) წყალარინების სისტემის რეაბილიტაციის შესახებ
- 3) სპორტულ-გამაჯანსაღებელი კომპლექსის (ტრენაჟორი) მონტაჟის შესახებ
ეთერი გაბისკირია - მოქალაქე (მცხ. ნაბადის უბანი)
 - 1) სამეგრელოს ქუჩაზე მდებარე 5 მრავალბინიანი ს/სახლის შეფუთვის შესახებ.
 - 2) სამეგრელოს ქუჩაზე მინი სტადიონის რეაბილიტაციის შესახებ.
 - 3) მოხეტიალე პირუტყვისა და უპატრონო, მაწანწალა ძაღლების საკითხთან დაკავშირებით.

მარიამ ბუალავა -მოქალაქე (მცხ.ნაბადის უბანი)

- 1) ჭავჭავაძის ქუჩა N142-ში მდებარე მრავალსართულიანი ს/სახლის გადახურვის შესახებ.
 - 2) ეზოში მინი სკვერის მოწყობის შესახებ
 - 3) საახალწლო განათებების მონტაჟის შესახებ.
- სოფიო ჭავია - შავი ზღვის ქუჩაზე მდებარე N2 მრავალბინიანი ს/სახლის ამხანაგობის თავმჯდომარე
- 1) შავი ზღვის ქუჩაზე მდებარე N2 მრავალბინიანი ს/სახლის ფასადების მოწესრიგების შესახებ.
 - 2) N11 საჯარო სკოლის ტერიტორიაზე სპორტული მოედნის მოწყობის შესახებ.
 - 3) შავი ზღვის ქუჩის სრული რეაბილიტაციის შესახებ.

საჯარო განხილვა წარიმართა კითხვა - პასუხის რეჟიმში. მოქალაქეთა დასმულ შეკითხვებს უპასუხეს საკრებულოს თავმჯდომარემ ალექსანდრე ტყებუჩავამ, ქალაქ ფოთის მუნიციპალიტეტის მერიის საფინანსო - საბიუჯეტო და შესყიდვების სამსახურის უფროსმა ვასილ თოდუამ და ქალაქ ფოთის მუნიციპალიტეტის მერიის ინფრასტრუქტურის სამსახურის უფროსმა გიორგი თოლორდავამ.

დაადგინეს: ეთხოვოს ქალაქ ფოთის მუნიციპალიტეტის მერს, არსებული ფინანსური რესურსების ფარგლებში, ზემოაღნიშნული წინადადებების და შენიშვნების, ქალაქ ფოთის მუნიციპალიტეტის 2024 წლის ბიუჯეტის პროექტში გათვალისწინებასთან დაკავშირებით, გაატაროს შესაბამისი ღონისძიებები.

საკრებულოს თავმჯდომარე

ალექსანდრე ტყებუჩავა

